

**(15) RUNYANKOLE/RUKIGA LEAFLET ON THE
RESURRECTION OF JESUS CHRIST
ABASHEEMWE OMURI YESU
OKUZOOKA KWA YESU KRISTO
NAMAZIMA NARI TIGARI MAZIMA?**

Kworaheze kushoma akatabo aka noza kumanya eby'okugarukamu ahabibuzo ebi:-

1. Nitubaasa kuhamya ngu Yesu akafeera aha musharaba?
2. Baiburi nekakasa eta okuzooka kwa Yesu Kristo?
3. Yesu arahi hati?
4. Ruhanga nabaasa kumpa omubiri ogutafa nk'ogwa Yesu?

1. NITUBASA KUHAMYA NGU YESU AKAFERA AHAMUSHARABA?

Tihariho okubanganisa, Yesu Kristo akafa, Abaserukare aba Rooma ensharizi bakaba batendekirwe omukwita, kandi bakaba bamanya omuntu owafiire. Abaserukare ababaire bari ahamurimo gw'okubamba Yesu Kristo, "Abaserukare ababaire bari ahamurimo gw'okubamba Yesu Kristo, "bakairira haihi, bareeba ngu akaba yafiire". Okwenda ngu bakakasize kimwe, omwe ahabaserukare akamucumita eicumu omurunaju, ahonaho harugamu eshagama n'maizi (Yohaana 19:33,34). Eego Yesu akaba yafiire. Omutume Paulo kagire ekigambo kiyagamba "Kristo akafa ahabw'ebibi byaitu, nk'oku ebyahandiikirwe bigira" (1Abakorinso 15:3)

2. BAIBURI NEKAKASA ETA OKUZOOKA KWA YESU KRISTO?

Nkoku hatariho okubanganisa ku Yesu yafiire, n'okuzoorwa Ruhanga kuruga omu bafu nakwo nikwo kiri. Reeba bakareebi aha kuzooka kwa Kristo. Boona nabeesigwa

ahakuba tihariho n’omwe owabaire ategyereize okuzooka kwe. Boona kikabatangaza.

Yesu akaba abagambire ku bategyereza okuzooka kwe, kwonka tihariho omuribo owabaire ayetegyereize ebigambo bye. Nabwe tihariho owabiire arazookire akaza omumagara agatahwaho, Yesu atakaizire.

Ebintu bingi ebyabaireho omumaisho ag’abatume (Banywani be aborura boona bakakyikiriza.)

- (a) Omurambwe gwa Yesu gukabyama omukituuro. Abakazi abesigwa bakamureeba bamanya kuyabaire afiire. Kubagarukire bwanyima, omurambwe gwa Yesu gukaba gutarimu! Bamalaika babiri bakababonekyera namahurire ag’okutangaza “Ahabwenki nimusherurira ahurire omubafu? Tari aha azookire. Bakaijusya abakazi ngu Yesu “ashemereire kubambwa aha musharaba kandi ahakiro kya kashatu akazooka” (Luka 24:5-7)
- Ahonaho ekyererezi kyajwerera. Abakazi bajuka ebigambo bye. Baagarukayo “bagambira bari ikumi n’omwe n’abandi boona (24:9). Bakabagurakamu bata? “Ebigambo ebyo bikabasusira nk’eby’okugana (ebitaine mugasho), kandi tibarabiikirize” (Luka 24:11).

Okugarukamu kwabo okukurimu amazima? Bakaba bataine matsiko g’okuzooka kwa Yesu.

- (b) Petero akairuka kuza aha kituuro. Yesu akaba atarimu! Okuzooka kwe nikubaasa kuba amazima?
- (c) Eizooba eryo, babiri ahabeegi bakaba nibagyenda nibaza Emmaris. Yesu owabaire azookire yabegaitaho, kwonka bo tibaramumanyire. Bakaba

nibagamba ku Yesu yabambirwe, kandi kubabaire “bamwinemu amatsiko ngu niwe aricungura abaisraeli” (24:21). Omu mazima, eki kikaba kitakibasika? Yesu akabashoborera ebyahandikirwe eki yamugambireho “Ku Kristo kikamushemerera kubonabonesibwa ebi byona abase kutaha omu kitiniisa kye.”

Amaisho gabo gajuka bamumanya (24:31) Yesu yaburira aho bo bagarukayo kushanga bari abatume ikumi n’omwe, abu nabo babaire nibahamya ku “Mukama azookire kandi ku abonekire na Simmoni” (24:34).

- (d) Yesu akemerera ahagati yabeegi be yabagira ati “Mugire obusingye!” Bakamwakira? Ngaha, “Bakekanga, baatiina, bateekateeka ngu bareena omuzimu”. Kwonka Kristo owazookire akaba atari muzimu. Akabagira ati “Mureebe engaro zangye, n’ebigyere byangye, mumanye ngu ninye buzima. Mukwateho mureebe. Ahakuba omuzimu tigugira mubiri n’amagufa, nkebi mwandeeba nabyo” (24:36-39).

Akariira omu maisho gabo kandi yabaijusya “kukyahandiikirwe ngu Kristo ashemereire kubonabonesibwa, n’okuzooka omu bafu aha kiro kyakashatu” (24:46). Abeegi bakagira obu baikirize okuzooka kwa Kristo? Eego obariremu Tomasi owabaire nabanganisa! “Baakamuramya, baagaruka Yerusalemu n’okushemererwa kwingi.”

- (e) Paulo natugamibra ku Yesu amazire kuzooka, akarebikyera Kefa (Petero) bari ikumi nababiri, abaisheemwe barikurenga magana atano, Yakobo hamwe nawe (1 Abakorinso 15:5-8). Namazima Yesu akabeyoreka ahuriire, obwo amazire kubonabonesibwa, n’obumanyiso bwingi. (Ebyokoziro 1:3).
- (f) Hariho akamanyiso kamwe akahamuheru, akokuhamya okuzooka kwa Yesu kukahindura abatume. Atakafire, bakatina ahabwa magara gabo.

Eky'obusaasi, boona bairuka bamusigaho. Kwonka bwanyima y'okuzooka kwe, hakaba hatakiriho kutina. Bahhinduka ababurizi abataine bwoba. Petero n'obumanzi, akagamba ahari Yesu aha Izooba rya Pentekoote, Imwe "Mukamubamba ahamusharaba, mwamwitsa emikono yabanyamahanga. Ruhanga akamuzoora...yamuhindura Omukama kandi Kristo" (Ebyakozirwe 2:23,24,36)

Petero akatambira omurema. Akagambira Annas omunyamurwa omukuru, Kayafa nabategyeki "Omu iziina rya Yesu Kristo owa Nazareesi, ou mwabambire aha musharaba" omushaija ugu akizire.

Abatume bakareeba Kristo owazookire. Tihariho ekintu kyona ekyabasize kubazibira bo okumuburiraho. Okuzooka kwa Kristo kwonka nikwo kwabasize kuretamu empinduka, kuruga omukutina bahhinduka emanzi.

Obujurizi oburikukirayo ahakuzooka kwa Yesu n'obw'omutume Paulo. Akabanza eby'okukangisa, n'eby'okwita abeegi (Ebyokozirwe 9:1). Tihariho ekintu kyona okwihaho okureeba Kristo owaziikire ari aha ruguto rwa Damsiko nibwo yatunga empinduuka omuri we. Paulo owabaire nahiganisa abakristayo hati akaba ayehaireyo okuhiganisibwa ahabw'engiri.

Omukufunza ekicweka eki:

Yesu akaitwa. Omurambwe gwe gwabyamya omukituuro. Omurambwe gukahinduka omubiri oguhuriire. Gukareebwa kandi gwakwatwaho. Omubiri ugu gukaba gwine enkojo z'emisimiari eyahamusharaba. Yesu omubutafa bwe, aine omubiri n'amagufa kandi tarigaruka kufa. Akaba atari muzimu.

3. YESU ARAHI HATI?

Yesu ari omu iguru. "Akatwarwa ahaiguru nibamureeba kandi ekicuucu kyamubakingira". Bamalaika babiri babagambira bati "Imwe bashaija ba

Galilaya mwe muhangire ki amaisho ahaiguru? Yesu ogwo owabaihwaho..
nikwo arigaruka, nk'oku mwamureeba natemba omu Iguru" (Ebyakozirwe 1:9-
11). Yesu ashutami aha mukono gwa buryo gwa Ruhanga (Abaheburayo
10:12). N'ohuriire ebiro byona (Okushururwa 1:18). N'omuterani waitu, kandi
n'ahayo eshaara zaitu ahari Tatiatwe ow'omu iguru.

Amakuru marungi ahari itwe, gari ngu tariturira kimwe omuiguru. Naza
kugaruka omunsi, ateho obukama bwa Ruhanga kandi abe Omugabe w'ensi
yoona. Petero natugambira ngu Ruhanga "aryatuma Kristo Ou eiguru
rishemereire kwakira okuhitsya obunaku bw'okugaruramu ebintu byona
obusya obu Ruhanga yabaire agamba". (Ebyakozirwe 3:19-21).

Yesu kwaragaruke, Paulo natugambira ngu "Aryahindura emibiri yaitu
emyeremwa kuba nk'omubiri gwe ogwekitinisa" (Abafilipi 3:21). Yesu hati aine
omubiri ogutafa. Naza kuba Omugabe orikureebwa. Abakurasibe abeesigwa
nibaza kugira emibiri etafa, bwanyima "Yokwihurwa ahakuzooka
kw'abahikiire" (Luka 14:14).

Baryayegyesa ekigambo kya Ruhanga ahari abo baine emibiri erikufa, abariba
bakiri omunsi. Baiburi neyeta obwire obu "Obukama bwa Ruhanga".

4. RUHANGA NABAASA KUMPA OMUBIRI OGUTAFU NKO GWA YESU?

Eego, nabaasa kandi aryakikora, waba ogyendeire ahakigambo kye. Ruhanga
naha amagara agatahwaho kwonka waba ogyendeire ahabiragiro bye.
Korakunde Ruhanga, okakwata ebiragiro bye, Yesu naza kushemererwa
ahindure omubiri gwawe omweremwa gube nk'ogwe ogwekitinisa
kwarigaruka. Noza kuba ohurire kandi otegyeke nawe omunsi ebiro n'ebiro.

Tumanyise waba noyenda ebirikukiraho ebyokwegyesa kwe
Baibuli n'enyikiriza ya Baisheemwe omuri Kristo.
Handikiira:

CHRISTADELPHIAN BIBLE MISSION
404 Shaftmoor Lane, Birmingham B28 8SZ, UK
CP

